



UNIVERSITÄTS-
BIBLIOTHEK
PADERBORN

**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus V. De Litis Contestatione.

[urn:nbn:de:hbz:466:1-63440](#)

reconveniendi Clericos tribuit pro hoc particu-
lari casu jurisdictionem Judici Laico.

4 Dico 2. Reconventioni locus est regulariter
in omnibus causis. *I. i. ff. de extraord. cognit. s.
ult. Clem. 2. de V.S. & DD.* communiter. Exci-
piuntur tamen I. causæ, à jurisdictione Judicis,
coram quo facta est conventio, exemptæ, uti
causæ spirituales respectu Judicis Laici. 2. omnes
causæ executivæ, quæ nimurum paratam habent
executionem, & celeritatem Judicis exigunt, uti
si debitum est liquidum, vel confessatum, si agi-
tur super deposito, commodato, spolio &c.

TITULUS V.

De Litis Contestatione.

SUMMARIUM.

1. *In quo consistat Litis contestatio.*
2. *An sit necessaria.*
3. *Quis ejus effectus.*

I **C**ontestatio Litis (Verfahrung des Rechts,
vel: Rechts-Befestigung) est consti-
tutio Judici facta per petitionem unius
& contradictionem alterius cum animo litigandi.
Fit ergo per petitionem Actoris, & congruam
responsionem Rei in Judicio, quibus declarant
& contestant voluntatem litigandi: quæ tria
necessariò concurrere debent, non tamen simul-
tate physica, sed sufficit moralis: nec absolu-
tè necessaria sunt verba & scriptura secundùm sty-
lum Curiæ concepta, sed etiam factum, quo de-
clarata.

claratur petitio unius & contradic^{tio} alterius.
Contradic^{tio}, inquam; non enim sufficit, si Reus respondeat affirmativè, vel dicat, *volo litigare*, vel excipiat, sed contradicere intentioni Actoris debet, & vel simpliciter *negare libellum Actoris*, & ejus narrata, ut narrata sunt; vel, si fateatur, quod Actor petit, excipiat tamen, se jam solvisse; sed in hoc casu, nisi solutionem neget Actor, non sit litis contestatio, bene tamen, si illam neget, quia Reus excipientē fit quasi Actor; & tunc lis dicitur contestari *affirmativè*. Pariter si Reus quidem respondeat negativè, sed cum protestatione de lite non contestanda, addens, se hæc dicere tantum inforimationis causā, litis contestatio juxta communem non est, cùm hæc involvat animum litigandi; nam litis contestatio est quasi-contractus: nullus autem contractus vel quasi sine animo & consensu subsistit; nec quisquam tenetur agere vel contrahere invitus. *Objic.* hæc protestatio, casu quo Reus nihilominus respondet ad petitio-
nem Actoris, est contraria factio, adeoque nihil operatur. *R.* Hoc verū est tunc, quando quis per protestationem nūtitur aliquod factum tolle^re (nam factum infectum fieri nequit) non verò de casu, quo aliquis protestando negat adesse animum talem, qualem aliàs factum indica-
re posset. Interim praxis quorundam locorum dicitur non attendere ejusmodi protestationem responsioni adjectam. Post litis contestationem, quæ dicitur esse *basis ac fundamentum Iudicij*, Actor ex libello deducit assertiones alias, quæ vocantur *positiones*, vel *positionalia*, quas autem ex illis negat Reus, appellantur *articuli*, nempe

probatoriales, quos proin Actor probare tenetur;
quamquam in praxi s^epe confundantur *Positiones*
& *Articuli*.

2. Dico 1. Litis contestatio regulariter necessaria
absolutè est ad valorem Judicij Ordinarii. c. un.
b. t. l. 1. & Auth. Offeratur C. eod. In Judicio
enim *Summario*, quamvis aliqua Rei responsio &
contradiccio sit necessaria, sufficit tamen simplex
& qualiscunque, non verò requiritur solennis con-
testatio litis, sicut nec aliæ Juris solemnitates. Dixi
regulariter; nam litis contestatione opus non est
1. in notoriis causis, & in omnibus, in quibus
non requiritur oblatio libelli. 2. casu, quo Reus
est contumax; tunc enim ex officio lis habetur
pro contestata. 3. in causis, in quibus Judex pro-
cedit ex officio, uti sunt cause inquisitionis, &
quæ concernunt utilitatem publicam. Ubi tamen
omittitur litis contestatio, primus actus Judicia-
lis, qui alias ipsam sequitur, vim illius obtinet,
ut si Judex incipiat cum consensu Partium de me-
ritis cause cognoscere. *Pirh. b. n. 10.*
3. Dico 2. Effectus contestatæ litis sunt. 1. in-
ducit quasi contractum inter litigantes, vi cujus
neuter altero invito desistere potest à Processu an-
te sententiam. *l. 13. §. 2. & 3. C. de Judic.* 2.
prorogat Judicii jurisdictionem, ut tanquam su-
spectus recusari non amplius possit. *l. 52. pr. ff.*
eo d. nec aliæ exceptiones dilatoriae, aut fori de-
clinatoriae opponi. *c. 20. de sent. & re jud. l. fin. C.*
de Exceps. 3. eliminat cautiones Judiciales de Ju-
dicio sisti, de judicatum solvi, de Ratol. un. *C. de*
satisfando. 4. perpetuat actionem temporalem, ut
duret 40. annis. *l. 1. §. 1. C. de Ann. except.* 5. actio-

nes

nes pœnales facit transire ad hæredes & contra
hæredes. *I. Inst. de perpet. & temp. action.* 6.
interrumpit præscriptionem longissimi, imò etiam
longi temporis. *I. 26. C. de R. V.* 7. possessorem
bonæ fidei in ordine ad perceptionem fructuum
constituit in mala fide Juridica, & fictione Juris,
ut eos reservare debeat victori. *I. 22. C. eod. l. 38.*
S. 7. ff. de Usuris. 8. impedit libelli mutationem,
ut dictum. Reliqui effectus se prodent in decur-
su quoad materias particulares.

TITULUS VI.

*Ut Lite non contestata non proce-
datur ad Testium receptionem, vel ad Sen-
tentiam Definitivam.*

SUMMARIUM.

1. Regula ponitur in Rubrica.
2. Patitur tamen suas exceptiones.

Cum litis contestatio sit basis & fundamen-
tum Judicij, hæc Rubrica tradit regulam
generalem, ne ante eam recipiantur te-
stes, vel feratur sententia definitiva, per quam di-
rimitur causa principaliter in Judicium deducata.
Si tales actus Judiciales fiant, sunt nulli. *c. 1. 2.*
b.t. Habet tamen hæc regula suas exceptiones.

Unde

Dico. Etiam lite non contestata recipi possunt
testes. 1. in causis, in quibus necessaria non est
litis contestatio, ut in Summariis, in causa inqui-